

MFS-EMMAUS RASPISUJE JAVNI

KONKURS ZA POPUNU RADNOG MJESTA - PSIHOLOG U OKVIRU PROJEKTA:

„PreACT - Prevencija nasilja nad djecom u digitalnom okruženju i trgovine ljudima kroz podizanje svijesti i pružanje psihosocijalne podrške žrtvama trgovine ljudima“

Komponenta 1.1., aktivnost 1.1.1.

1. OSNOVNE INFORMACIJE

1.1. Projekat

Projekat „PreACT - Prevencija nasilja nad djecom u digitalnom okruženju i trgovine ljudima kroz podizanje svijesti i pružanje psihosocijalne podrške žrtvama trgovine ljudima“ koji podržava GIZ.

1.2. Geografsko područje

Bosna i Hercegovina.

1.3. Naručilac usluga

Međunarodni forum solidarnosti - EMMAUS (MFS-EMMAUS).

1.4. Općenito o projektu

Projekat ima za cilj doprinijeti borbi protiv trgovine ljudima, posebno cyber trgovine, seksualnog zlostavljanja i eksploatacije djece u BiH i smanjiti rizike od cyber trgovine i rodno zasnovanog nasilja za ugrožene grupe stanovništva kroz podizanje svijesti opće populacije i prevenciju, kao i zaštitu mentalnog zdravlja i psihološke podrška žrtvama trgovine ljudima.

1.5. Ciljne grupe projekta

Primarne ciljne grupe/korisnici:

- (1) potencijalne i identifikovane žrtve trgovine ljudima i seksualnog zlostavljanja i uznemiravanja djece u digitalnom okruženju;
- (2) osobe u riziku od trgovine ljudima, posebno zloupotrebom u digitalnom okruženju, s posebnim naglaskom na djecu i mlade, uključujući maloljetnike bez pratnje i druge migrante pod rizikom, a koji trenutno borave u BiH;
- (3) pružaoci usluga u skloništu, staratelji, dječiji psiholozi, predstavnici organizacija civilnog društva, uključeni u pružanje direktne pomoći žrtvama trgovine ljudima, uključujući usluge zaštite mentalnog zdravlja i psihosocijalne podrške;
- (4) roditelji, edukatori, donosioci odluka, zainteresovane strane i opća populacija u BiH.

Sekundarne ciljne grupe/korisnici:

- (1) relevantne institucije/profesionalci i predstavnici organizacija civilnog društva uključenih u aktivnosti sprječavanja trgovine ljudima;
- (2) lokalne, regionalne i međunarodne zainteresovane strane.

[Type here]

2. DJELOKRUG RADA U SKLOPU UGOVORA

2.1. Dužnosti i obaveze psihologa

- učestvuje i radi prijemnu procjenu korisnika u okviru svoje djelatnosti i rada, radi opservaciju cjelokupnog ponašanja korisnika u toku korištenja usluga skloništa;
- učestvuje u izradi individualnog plana aktivnosti i plana tretmana za svakog korisnika, izrađuje individualni plan aktivnosti za svakog korisnika sa kojim je uključen u rad, uz praćenje i opservaciju;
- djeluje motivirajuće na korisnika uz korištenje adekvatnih metoda i tehnika rada, uspostavlja prvi kontakt, povjerenje, individualni savjetodavni rad sa korisnikom utvrđujući program aktivnosti i rada;
- provodi individualni rad sa djecom i mladima kod kojeg su evidentne poteškoće u ponašanju i ophođenju, destruktivnost, promjene u strukturi ličnosti, potreba prerada traumatskih iskustava, u cilju podrške i usmjeravanja;
- individualni program ima za cilj jačanje ličnih kapaciteta, resursa i snaga korisnika, unapređivanje ili učenje socijalnih vještina, otkrivanje određenih odstupanja;
- redovno organizuje edukativne radionice za djecu i odrasle iz svoje oblasti, zajedno sa korisnikom pravi plan rada (zavisno od uzrasta korisnika), opservacija ponašanja korisnika, saraduje sa roditeljima/srođnicima/hraniteljima u cilju prevazilaženja određenih poteškoća;
- usmjerava učenja osnovnih životnih/socijalnih vještina, pozitivnog podsticaja djece korisnika usluga;
- psiholog saraduje sa organima starateljstva, obrazovnim, zdravstvenim i drugim institucijama u okviru djelovanja iz svoje oblasti, organizuje grupne edukativne, okupacione aktivnosti i psihosocijalne radionice kao i grupe podrške zavisno od trenutne strukture grupe korisnika;
- organizuje individualno i grupno savjetovanje i psihosocijalnu podršku korisnicima. Psihosocijalnu podršku pruža prema individualnom planu podrške razvijenom za svakog pojedinog korisnika, s posebnom pažnjom na posebnu podršku djeci. Pruža individualno savjetovanje nekoliko puta sedmično (obično dva puta sedmično za djecu i jednom sedmično za odrasle), dok grupno savjetovanje pruža jednom sedmično za odabrane grupe;
- posebno pruža pomoć korisnicima s traumatskim iskustvima u cilju prvenstveno „ozdravljenja“ i prerade, te korisnicima sa psihičkim, emocionalnim i drugim problemima;
- redovno piše izvještaj, opservaciju za svakog korisnika te dostavlja izvještaj o pruženim uslugama na kraju svakog mjeseca;
- zajedno sa socijalnim radnikom piše izvještaj i opservaciju o korisniku po prekidu ili završetku korištenja usluga skloništa;
- učestvuje u izradi općeg programa rada skloništa;
- obavlja i druge poslove po nalogu neposrednog rukovodioca i direktora Udruženja;
- za svoj rad odgovoran je neposrednom rukovodiocu i direktoru Udruženja.

[Type here]

3. LOGISTIKA I ROKOVI ANGAŽMANA

3.1. Odgovorno tijelo

Međunarodni forum solidarnosti - EMMAUS (MFS-EMMAUS)
Ured u Sarajevu
Paromlinska 10,
71000 Sarajevo, BiH

3.2. Trajanje angažmana i lokacija izvršenja angažmana

Angažman psihologa uključuje period od šest (6) mjeseci.

Lokacija: 74 207 Klokočnica – Doboš Istok, Bosna i Hercegovina.

4. KVALIFIKACIJE I VJEŠTINE

- VSS;
- minimalno 1 godina radnog iskustva;
- razvijene komunikacijske i organizacijske sposobnosti;
- poznavanje rada na računaru (MS Office paket);
- razvijene vještine rada sa korisnicima u grupi;
- proaktivnost, dinamičnost, kreativnost, empatičnost i stručnost;
- individualni i timski rad;
- poznavanje materije i znanje iz oblasti o socijalnoj zaštiti i karakteristika djelovanja i ponašanja strukture korisnika usluga.

5. NAČIN PODNOŠENJA PRIJAVE

Uz prijavu na konkurs kandidati/kinje su dužni priložiti sljedeće dokumente:

- biografiju na jednom od službenih jezika u BiH;
- preporuke o prethodnom radnom iskustvu u traženoj oblasti (prednost);

6. POSEBNI ZAHTJEVI

Rad na projektu „PreACT - Prevencija nasilja nad djecom u digitalnom okruženju i trgovine ljudima kroz podizanje svijesti i pružanje psihosocijalne podrške žrtvama trgovine ljudima“ je specifičan obzirom na povjerljive informacije koje se obrađuju. Uz potpisani Ugovor, izvršilac je obavezan potpisati da će poštivati sljedeće procedure: etički kodeks, politika zaštite djeteta, izjava o povjerljivosti podataka.

7. DOSTAVA PRIJAVE

Zainteresovani kandidati/kinje svoje prijave trebaju dostaviti na sarajevo@mfs-emmaus.ba najkasnije do 26. oktobra 2021. godine, sa naznakom prijava na javni poziv – angažman psihologa.

[Type here]

APLIKACIJSKI FORMULAR

1. Opšti podaci kandidata

Ime i prezime	
Organizacija	
Adresa	
Telefon	
Fax	
e-mail	

2. FINANCIJSKA PONUDA

Za kandidata: molimo Vas popunite prateću tabelu

Total net ponuda na osnovu opisa usluge	
--	--

3. REFERENCE APLIKANTA

Br.	Publikacija/provedene edukacije/treninzi	Organizacija	Kratak opis

- dodajte kolone ukoliko su vam potrebne

[Type here]

4. IZJAVA

Ja, dole potpisani kandidat izjavljujem da sam upoznat sa obavezama kandidata/ponuđača u slučaju dodjele ovog ugovora

Ime	
Potpis	
Datum	